









Faint vertical text columns within a rectangular border on the left page, likely bleed-through from the reverse side. The text is illegible due to fading.





烈祖成績卷之五起天正七年終十年

安積覺 編次

天正七年己卯正月二十日。神祖獵于吉良。二十七日。還濱

松。三月二十五日。武田勝賴侵遠州屯國安。神祖聞之。與世

子馳至馬伏塚。參州諸將。軍見付府。二十七日。進至袋井驛。

是日勝賴去國安。二十九日。渡大井河而退。神祖還濱松。年譜

創業記家忠日記。○按松榮紀事二月三月連書此輩以為勝賴復出重復誤矣今從上三書四月七日。神

祖第三子長麻呂。征夷大將軍太政大臣台德公生于濱松城。以上井甚三

郎利勝為近侍。利勝長而稱大炊頭。為輔佐元老。年譜創業

記松榮紀事。○據諸士傳略及雜錄利勝水野信元子也。信元遭害年僅二歲其母抱之遁去得免再嫁土井小左衛門。

烈祖成績

卷之五

利勝從其母在小左初世子娶織田信長女生二女所生關  
 口氏悍而妬與神祖琴瑟不諧離居在岡崎稱築山殿○松榮紀  
 事曰神祖出之流寓伊勢越前世子迎之居性行不淑欲使  
 岡崎然築山之稱世所共知今從德川歷代○松榮紀  
 世子離開夫人誘武田勝賴奪岡崎遂至夫妻反目○松榮紀  
 欲使殺信長而立世子按信長不可輒殺縱殺之○松榮紀  
 世子豈得繼其家哉恐無此理今從德川歷代○松榮紀  
 而暴好蹋歌舉國成風少不如意輒手刃之民不堪命○松榮紀  
 川歷代○松榮紀往年退軍伊良崎世子為殿勝賴不能出躡世子自矜  
 其勇每事多不法神祖患之○松榮紀至是夫人列世子罪十二  
 讒於信長以酒井忠次為使往岐阜訴之信長召忠次親詰  
 問之忠次證成之十罪皆實信長不及問其二使忠次謂神



祖曰信康凶悖非保邦之器不殺必有後禍忠次奉命而歸  
 及過岡崎不謁世子直赴濱松世子知其不免恐懼待命忠  
 次告神祖以信長之言神祖憮然曰事既如此宜信長之欲  
 殺之也八月三日神祖至岡崎城放世子於大濱四日世子  
 至岡崎披陳無罪神祖不聽其夜世子還大濱時平巖親吉  
 為世子傅白神祖曰遠殺世子後必悔之臣為傅無狀請斬  
 臣首送于信長使謂世子實無罪皆親吉之所為則信長霽  
 威而冀世子獲免也言甚切至神祖嘉其忠誠曰殺汝而事  
 可濟則可不然併喪良臣非我志也五日神祖如西尾城七  
 日又至岡崎九日遷世子於遠州堀江城又遷二股城不許

出。十二日。神祖還濱松。二十九日。使野中重政殺關口氏於

小藪邑。

年譜創業記三河物語家忠日記德川歷代松榮紀事○松榮紀事曰使村越茂助殺之家忠日記曰岡

本平右衛門雜錄築山殿事記曰岡本八郎右衛門蓋茂助直吉奉命誘出築山殿重政率平右衛門等殺之於中路也

野中氏家譜事先是上杉景虎與上杉景勝爭戰不輟。景虎

求救于北條氏政。武田勝賴之妻。氏政之妹。而景虎之姪也。

故氏政使勝賴援之。勝賴率兵二萬赴越後。景勝大懼。賂勝

賴以東上野地及黃金一萬兩。請屬麾下。賂嬖臣長坂鈞間

跡部勝資。各金二千兩。勝賴受賂而還。景勝遂滅景虎。取越

後。由是北條氏甚怨勝賴。與之絕。甲州士庶皆譏勝賴之不

義。而莫不惡鈞間勝資之貪恠也。

甲陽軍鑑松榮紀事

九月五日。氏政

以朝比奈泰勝為使。乞和神祖曰。卿能講和。吾當通好。信長

東西夾擊。以滅勝賴。神祖然之。遣使告信長。信長諾曰。卿先

與氏政平。然後圖勝賴。十三日。三家盟成。約曰。勝賴出豆州。

則家康入駿州。勝賴出遠州。則氏政屯甲信二州間。以牽之。

年譜創業記家忠日記松榮紀事

神祖既殺關口氏。信長怒猶不解。夫人忿

怨如舊。十五日。神祖不得已。遣大久保忠世。天方山城守道

興服部正總於二股城。賜自盡於世子。時年二十一。

年譜創業記三

河物語家忠日記德川歷代松榮紀事

初神祖屢遷徙世子。蓋有微意。而諸將

不悟。時人皆咎元老重臣焉。

德川歷代○本書曰酒井忠次大久保忠世二人將夫人命使

于岐阜諸書忠次一人而無忠世名故不取又曰每遷徙世子使忠世監護遂命忠世殺之忠世誘出世子觀漁殺之舟

中以自殺聞時人惡其不忠此又諸書所不載其言出於愛憎不足信今從上諸書十七日橫須賀守

將大須賀康高伏兵高天神城下三峰山欲誘出城兵擊之

城兵果出伏發擊破之家忠日記德川歷代康高部兵久世廣宣射敵

多斃之一矢洞貫敵兵中松樹而止後城兵送其矢諸士傳略阪

部廣勝斬城兵中根鄉左衛門其餘康高之兵多獲首級敵

敗走入城松榮紀事以此戰係四年二月錯簡也今從家忠日記德川歷代武田勝賴率兵

一萬六千出駿州築沼津城使高阪虎綱子源五郎守之松榮

紀事○按源五郎三年五月戰死長篠據甲陽軍鑑以其弟襲稱源五郎統領部兵也北條氏政聞勝

賴出兵將三萬餘騎軍于豆州三島勝賴軍于黃瀨河是日

神祖發濱松至懸川十八日入駿州酒井忠次諫曰深入敵

地後險隘而前勅敵非良策也不如按兵瀨戶駿州西郡地名以待

東軍之變神祖曰吾與氏政有約不可中變且鷓蚌之勢須

乘其弊遂進軍左田中城沿海而東陣于二山忠次駐軍瀨

戶十九日使松平甚太郎家忠牧野康成攻持舟城拔之縱

火焚城松平康親進至由井倉澤松榮紀事勝賴聞我軍至由井

欲決戰遣使謂氏政曰欲戰即戰吾當渡黃瀨川以決雌雄

吾聞濱松之兵出在由井倉澤今欲還軍與彼決戰卿欲躡

後固吾所欲也氏政渝約對曰吾為按行部屬出兵非求戰

者卿宜與濱松之兵戰吾不與也○松榮紀事曰氏政不報今從甲陽軍鑑年譜附尾

勝賴留左馬助信豐高阪源五郎於沼津城以備氏政急引

兵陣于河成時富士川暴漲不得渡神祖聞勝賴至欲逆擊之。○松榮紀事載一說曰鳥孫左衛門之甥為僧居駿府聞勝賴至奔赴告之石川數正大須賀

康高諫曰田中城在我後輕戰敵地危道也神祖然之還至

藤枝暴稻而去酒井忠次出瀨戶為殿。創業記考異甲陽軍鑑八年今從年譜

創業記正文織田本信長記家忠日記○松榮紀事神祖發濱松以下在四年錯簡也今從上四書釐正之是夕

勝賴至駿府聞我軍既去憤恚曰長篠之役不可戰而戰竟

取敗是役也可以戰而不得戰此命之窮也可奈何。甲陽軍鑑年譜

附尾松榮紀事既而氏政引兵還小田原二十五日勝賴還甲州神

祖退至伊良崎晦入牧野城十月朔凱旋九日饗今川氏真

於濱松城。年譜創業記家忠日記松榮紀事十一月四日松平主殿助家忠

設伏伊良崎待甲軍至舉燧為應鳥居元忠步卒濫縱火近

地愆期神祖怒突之捕步卒斬之七日家忠又伏兵瀧阪急

擊甲軍獲首級奪輜重神祖褒之。家忠日記十一日神祖發濱松

至縣川十二日軍于馬伏塚十四日還濱松。○家忠日記曰

賀十五日還濱松今從年譜創業記二十四日甲軍出田中屯國安二十七日

家忠陣于見附驛備之是日甲軍去國安入駿州家忠引兵

還。年譜創業記家忠日記松榮紀事

八年庚辰正月五日神祖叙從四位上。年譜創業記公卿補

事○家忠日記曰正月三日武田勝賴率甲斐信濃之兵援

高天神城織田信忠將兵發清洲按此時神祖未嘗乞援信

長信忠不應出兵且二十四日放鷹參州西尾二十七日至

岡崎尋還濱松。家忠日記三月十六日發濱松向高天神是

日高天神城兵出屯天王馬場大須賀康高出擊之康高部

兵久世廣宣阪部廣勝氏家金二郎近藤武助管沼兵藏驚

山傳八郎揮槍健鬪。家忠日記本多忠勝攻城先登其兵內

山忠三郎日置小左衛門等爭進力戰攻破的場口柵。○本

譜係六月十七日今從上二書十八日築大阪山砦。○按下文有大塚橫須

之訛今從家忠日記二十五日築中村砦二十九日築砦田

中逼高天神城。○年譜田中下注駿州松榮紀事注遠州地

別一地名疑閏月九日神祖還濱松。年譜創業記家忠先是

神祖雖拔持舟城而其地便於敵而不便於我故自其焚燒

不置戍兵至是武田勝賴修築壘壁與田中江尻二城聲援

相接使朝比奈駿河守之。松榮紀事五月朔神祖出軍屯懸川三

日攻田中城四日至遠目陳于八幡山五日使步卒暴花澤

之禾苗取田中之麥收兵還濱松石川數正為殿持舟城兵

下遠目阪出躡之數正回騎接戰酒井重忠松平康親牧野

康成平巖親吉內藤家長等馳還競進松平真乘橫擊敵兵

破之敵潰走尾崎半平定正斬向井伊賀須田文平斬城兵

櫻井兵庫天野小麥右衛門重次。○按天野麥右衛門戰斬

朝比奈市兵衛松平康親之兵岡田竹右衛門元次斬城將

三浦兵部。斬兵部伊賀年譜松榮紀事為七年九月拔持舟



記尾崎半平名城中精兵八十餘人戰死。松榮紀事正文作

忠日記及守將朝比奈駿河闔門堅守我軍不復攻之引兵

入牧野城。年譜創業記家忠先是一色左京。家忠日記松榮

無左京之稱被譴匿康親家適在陣中岡田元次授三浦兵

部首於左京使上級以贖罪神祖廉知其實嘉元次讓功賜

鎧褱以賞之六月十日神祖營於橫須賀諸軍屯鎌田十一

日按視高天神城築若鹿鼻備之十七日縱火高天神外郭

使步卒獲城外稻還濱松七月二十日神祖又將兵至懸川

家忠日記渡大井河營于田中八幡山使諸將護丁壯獲田

中稻岡田元次白神祖曰河水每雨一夜暴漲武田勝賴好

乘人之不意收穫粗畢須速渡河不可濡滯神祖然之即渡

河而還其夜果雨河水大溢勝賴適在駿州按行管内諸城

聞我軍出急馳至田中阻水不得渡而止神祖褒元次之善

察兵機。松榮紀事二十七日神祖戢兵還濱松。年譜創業記家忠

八月北條氏政出屯黃瀨川與武田勝賴相持十六日氏政

以小笠原某為使來濱松告神祖。按氏政勝賴對陣黃瀨

忠日記松榮紀事皆曰是年又對陣今竝二十七日松平二

郎右衛門重吉卒于參州野見邑年八十三九月二十三日

賜參州刈屋城於水野忠重遠州馬伏塚城及鎌田鄉於高

力清長。家忠日記是月神祖第四子福松麻呂生於濱松城

源流綜貫福松麻呂薩摩守忠吉也事在下文十月十二日神祖發濱松赴高天神

十九日參州諸將陣于大塚橫須賀二十二日諸軍進逼高

天神城築砦橫須賀橘谷橫須賀創業記松榮紀使諸軍與

鹿鼻中村小笠砦嚴守之四繞圍城鑿隍樹柵一步置一兵

戍之使城兵不得出鬪家忠日記松榮紀神祖召成瀨正一曰今留

汝于此須巡城外每一晝夜一次戍兵有懈者罰之正一請

副一人神祖曰汝擇其人對曰日下部兵右衛門可也神祖

即命二人至明年春一百二十餘日正一定好晝夜巡行不

敢一日懈弛成瀨系圖二十八日神祖移營於馬伏塚十一月十

二日遣松平主殿助家忠於安土告逼高天神城于織田信

長十二月二十日信長以猪子兵助福富平左衛門長谷川

藤五郎秀一幼名竹麻呂後仕秀吉公領越前稱東鄉侍從西尾吉次為使來勞神

祖二十一日四使從神祖巡行合圍二十二日神祖還濱松

饗四使年譜創業記家忠日記松榮紀事

九年辛巳三月高天神城潰先是我兵四面合圍如釜魚籠

鳥不可脫去城兵連署使向阪甚大夫告急武田勝賴曰濱

松兵勢日盛圍城數重欲戰不得戰糧盡力竭命在旦夕願

急救之獨橫田重量以為不可別以書白勝賴曰此城不可

救君侯能出兵攘敵使得保城則救之可也今家康在橫須

賀使諸將嚴守六砦此勅敵也雖戰不可勝若君侯來援彼

邀之中路。乞援信長。前後夾擊。則危道也。彼又分信長之兵。由驛路直至駿府。扼我歸路。○松榮紀事注曰。東海道驛程。藤枝至駿府為本道。高天神在其南。此條氏政出駿州。則前與濱松之兵相持。後為信長氏政所邀。進退失據。取敗必矣。此臣所謂不可救者也。受命守城。死固其分。唯為君侯圖萬全耳。若必欲救之。則賜臣陰符。刻期出師。甲州旌旗見於鹽買阪。則城兵突圍而出。庶幾僥倖萬一。雖然出師救城。而城為敵有。徒拔其衆而歸。不可謂武。城兵潰圍。必不得免。此其不可救。事勢甚明。願熟計之。勝賴善之。名諸將會議。長阪釣間跡部勝資曰。此不可救。甚五郎之言是也。勝賴以為坐在甲府。終不救之人。

皆以我為怯。乃出兵東上野。拔仙城而還。

仙城。甲陽軍鑑作膳城。今從松榮紀

事城兵知援軍不至。議潰圍脫去。疲頓不得遽出。我軍覺之。

嚴守要害。大久保忠世所守林谷。險隘殊甚。前有六笠懸川。

牧野之城寨。南有大塚。橫須賀之戍兵。忠世恃之。纔以兵六。

騎戍之。城兵詗知其寡。二十二日夜二更。分為二隊。岡部丹。

波橫田重量出自林谷。忠世使其弟平助忠教赴之。忠教諸書作忠

孝。今從諸士傳略。平助後更彥左衛門。與戍兵六騎合十九騎。忠教擊傷丹波。

使本多主水取其首。忠世聞敵出馳來。敵已遁去。石川康通。

扼足助烏原之要路。前有龍谷山。迴溪轉。戍兵多寡。不可得。

見。城兵三百餘欲突出。我軍嚴備擊之。敵敗走。陷龍谷。殘兵。

數百欲衝圍免去。本多忠勝烏居元忠擊破之。逼鐘郭。水野

忠重其子藤十郎勝成。進入城中。勝成時年十六。家忠日記

勝成小名國松。稱藤十郎。更六左衛門。歷從五位下。日向守。進叙從四位下。領備後福山十萬石。年十六。據水野系圖。

大須賀康高爭先而進。久世廣宣斬城兵依田木工左衛門。

諸士傳略。忠重之兵清水次右衛門。山本市作。先登戰死。的場郭

之敵兵。決死健鬪。我兵猶豫。松平孫六郎康長亦年十六。戶

彈正子虎千代。賜氏在永祿十年。請攻的場郭。神祖許之。康長急進攻之。縱

火城中。戶田忠次。松平主殿助家忠。相繼而進。忠次之兵石

原孫二郎。大屋喜助。植田十兵衛。芳賀清助。家忠之兵板倉

木工右衛門等。力戰破之。板倉喜藏戰死。大久保忠世橫擊

又破之。城兵殆殲。城遂陷。三倉忠右衛門定次擒孕石主水

神祖戮之。赦大河內某。厚賜遣之。初神祖為質在駿河。主水

數無禮於神祖。大河內某傾心保護。故得及之。神祖豫命內

藤信成管沼忠久曰。高天神城陷。則殘兵必走國安。汝等宜

備之。殘兵果出國安。信成忠久邀擊殲之。凡斬城兵首七百

三十級。錄送安土。年譜。創業記。三河物語。織田本信長日記。甲

曰。信長援助部將佐佐成政。野野村三十郎。錄數還安土。據

之。則信長遣援軍也。然諸書所不載。不知其在何時。故不書。

城兵橫田重量直斫柵出奔甲州。武田勝賴賞重量之忠勇。

賜佩刀。重量拜而不受。曰。臣潰圍而出。何賞之有。時人稱之。

家忠日記。甲陽軍鑑。松榮紀事。二十四日。神祖凱旋濱松。召諸將褒獎軍功。

賜休暇各歸其城六月二十八日神祖發濱松軍見付驛年譜

創業記家忠日記○按三書不載其故亦無還濱松之日是月東條城主松平甚太郎家

忠卒櫻井松平系圖七月三日使松平主殿助家忠築砦相良武田

勝賴築城甲州韭崎號新府家忠日記甲陽軍鑑十二月十五日神祖

放鷹馬伏塚年譜創業記家忠日記十八日織田信長為略甲駿二州

使西尾吉次納糧東條是日奧平九八郎美作守信昌子時十五歲長而叙從

五位下任大膳大夫加首服於神祖前授諱字曰家昌賜守家刀是歲

神祖以母妹嫁松平家清家忠日記母妹初適荒川賴持在永祿四年以公子福

松麻呂紹松平家忠之封出居東條城長而名忠吉源流綜貫大

久保淨玄卒年八十三家忠日記木曾左馬頭義昌義仲之裔而

信州之豪族也往年武田信玄侵掠鄰境義昌畏其彊屬麾

下信玄悅以女妻之勝賴彊暴好兵徭役頻興義昌不堪其

命就濃州人苗木久兵衛○按苗木城主遠山久兵衛友政以黨于齋藤龍興為信長公所逐

諸書以城為氏往往有其例疑即其人通款織田信忠信忠使平野勘右衛門

馳至安土告之信長曰木曾險惡之地彼若欺我誘陷險隘

則噬臍無及使其送任子立誓然後進兵既而久兵衛送義

昌及將士之質致之岐阜信長許之家忠日記松榮紀事

十年壬午正月六日木曾義昌叛武田勝賴義昌之臣千村

左京松榮紀事作千原某今從信長譜以其謀告阿部加賀勝賴大駭將發

兵擊之加賀謀曰木曾險隘不可猝攻義昌夫人君侯之妹

也。臣請就夫人。緩其反計。伺間潛遣精兵五騎十騎。襲其不意。則必有利。勝賴不能從。二月二日。使左馬助信豐將兵五千騎攻之。義昌遣使陳謝。勝賴不聽。義昌使千村豐前馬場半左衛門。萩原十左衛門。上村作左衛門。率兵據鳥居嶺。以待敵至。勝賴前隊諏訪采女及弟源二郎。督兵進鬪。義昌據險拒之。斬采女兄弟。甲軍多敗死。信豐激衆競進。義昌懼而引去。信豐追擊甚急。義昌之兵。縱火燒藪原。退入南宮城。據險拒之。信豐引兵還。信長與神祖約。東西夾擊以取甲信。使信忠將兵五萬。向木曾口。自將兵七萬。入自伊奈口。金森長近領兵三千。向飛驒口。神祖將兵三萬五千。入自駿州。北條

氏政率兵三萬。備關東口。勝賴率甲斐信濃上野三州之兵

二萬餘騎。陣于諏訪。分兵戍諸城。使弟仁科五郎信盛甲陽軍鑑

作仁科薩摩守晴清。今從家忠。日記甲亂記。武田家譜。松榮紀事。守高遠城。日向宗英守大

島城。勝賴將日向大和。勝賴稱宗英。保科越前守正直筑前守正俊子。初稱甚四郎。後更彈正忠

守飯田城。馬場民部多田治部右衛門。橫田重量守深志城。

十二日。信忠發岐阜。入自木曾口。以瀧川一益河尻肥後守

秀隆為前鋒。肥後守即與兵衛也。諸書或作肥前守。說見三年。勝賴聞之。使小山田

昌行。渡邊金大夫。小菅五郎兵衛。援高遠城。逍遙軒信綱。安

中七郎三郎。小原丹後。依田能登。援大島城。小幡因幡。波多

野源左衛門。援飯田城。又聞神祖入駿州。使室賀兵部據鞠

子拒之。屋代某關甚。五兵衛入持舟城。援朝比奈駿河。依田信蕃。三枝土佐。據田中城。伊奈口東山道第一之險要。不得輒入。使下條伊豆信氏守之。其族九兵衛叛。引河尻秀隆之兵入城中。信氏遁去。松尾守將小笠原信嶺乞降。為鄉導。信忠之兵入自伊奈口。如踐無入之地。木曾義昌來謁。上甲軍首級。信忠授書褒之。使織田源五長益信秀第五子。信長公弟。叙從五位下。刺髮津田孫十郎信次按織田家譜。信秀第九子。有孫十郎。信次。然二年九月戰死。長島左近樂齋將監。信任子。亦有信次。稱掃部助。無孫十郎之稱。未詳。為義昌援軍。陣于桔梗原。信忠至飯田。信綱等棄大島城遁去。信忠移陣大島。使毛利河內守河尻秀隆守大島城。進至飯島。森勝藏長可三左衛門可成第二子。為

武藏守。○彰考館史臣丸山可澄曰。長可諸書皆誤作長一。三左衛門家世。皆以可字連名。至勝藏。信長公賜諱字。故以長字。團平八為前驅。信州城寨。或降或遁。望風崩潰。勝賴猶在諏訪。議戰守之策。城織部曰。分兵五千授我。我與橫田甚五郎為前驅。又以五千授小山田八左衛門初鹿傳右衛門為後繼。使小山田右衛門真田安房小幡下總指揮麾下騎兵一萬。一舉決雌雄。則蔑不勝矣。長阪釣間拒之曰。彼尚乳臭。其言不可用。阿部加賀曰。我遣謀者覘敵。信忠陣營。不相統攝。龍川河尻深入。不諳地利。乘夜襲擊。必得大捷。釣間又拒之。議竟不決。因循涉旬。年譜。創業記。家忠日記。織田本信長記。信長譜。甲陽軍鑑。甲亂記。松十六日。勝賴之兵棄小山城。走歸甲州。年譜。創業記。十

八日神祖發濱松向駿州。十九日入牧野城。二十日至田中。二十一日我軍經遠目阪逼持舟城。神祖至駿府。二十三日使諸將攻持舟城。二十七日持舟守將朝比奈駿河乞和。出奔甲州。家忠日記曰退于久野今從年譜創業記松榮紀事織田信忠進攻高遠城。二十九日以僧為使齎書入城。諭仁科信盛使降。信盛與將佐議之。副將小山田昌行曰。此詐謀也。豈效大島飯田懦劣之徒而墮名節哉。當決死一戰耳。信盛笑曰。是吾志也。即收僧截其耳鼻逐之。信忠大怒。陣于貝沼原。登高麗城。以小笠原信嶺為先導。急攻之。昌行血戰數合。力竭入城。信盛自殺。昌行及弟大學。渡邊金大夫等皆死。城遂陷。斬首四百餘級。家忠

日記甲亂記松榮紀事○信長譜曰斬首二千五百八十級此據見行本信長記也見行本多繆誤今從織田本信長記  
駿州江尻城主穴山梅雪。武田勝賴之姊夫也。雅有威重。勝賴約以女妻其子勝千代。左馬頭信豐欲為己子之婦。賂長阪釣間跡部勝資及大龍寺僧麟岳。使言于勝賴曰。主公之女與勝千代。五行之運相克。不如嫁于典廐之子二郎勝賴。從之。遂渝其約。梅雪大怨望。潛蓄異圖。神祖使長阪血槍九郎往江尻城。○按長阪血槍信政見天文十七年即其人歟或其子乎未詳說梅雪降信長。淹留七日。諭以禍福。梅雪從之。血槍九郎復命。神祖賞其獨入敵城。善得要領。賜遠州三邑。梅雪反計未露。三月朔。聞我軍向江尻。松榮紀事曰三月朔神祖至江尻按四日梅雪初謁神祖不應神祖先至江尻下文云聞我軍向江



屍奪質。奪所質於甲府妻子。據采邑下山城而叛。武田勝賴  
今從之駐軍諏訪。及梅雪叛。人心恒擾。宗族勲舊悉離散。左馬頭信  
 豐亦屢稱病。不預軍議。殘兵不過一千。勝賴不能保諏訪。引  
 歸新府。壘壁未完。不便守禦。將佐胥議。須避其來銳。保據要  
 害。以圖再舉。太郎信勝勝賴子獨奮曰。衆心離畔。運命既窮。與  
 其逃遁受辱。曷若快死遂志。勝賴默然。小山田信茂曰。臣所  
 管都留郡內。阻隘之地。宜急赴之。真田昌幸曰。上野吾妻。地  
 利險固。芻糧可支數年。箕輪有內藤。小諸有典厩。足為吾妻  
 之藩屏。請速赴焉。勝賴然之。長阪釣間曰。小山田累世舊臣。  
 真田新進之士。不如往郡內。信茂亦曰。都留本州之地。吾妻

他邦也。去本州而之他邦。請熟計之。勝賴善其言。厚疇信茂。  
 使還迎之。家忠日記。信長譜。甲陽軍鑑。甲亂記。松榮紀事。三日。勝賴殺木曾義昌之  
 質。納諸將之質三百餘人於新府城中。燔殺之。信長譜。獨擊妻  
 孥赴郡內。從兵狼狽。相顧哽咽。至鶴瀨待報。七日。信茂不來。  
 設關篠子。置戍兵以反。拒勝賴不納。從兵尚有數百人。聞信  
 茂反。悉亡去。家忠日記。信長譜。甲陽軍鑑。甲亂記。松榮紀事。四日。穴山梅雪至上原  
 謁神祖。獻刀及鷹馬。遠目鞠子敵兵。聞梅雪叛。委城潰走。家  
日記曰。田中持舟鞠子三城。聞梅雪叛。皆降。按田中持舟二  
城前。此既降。見上文。今從松榮紀事。○按武田家譜。梅雪既  
降。神祖復其舊稱。曰陸奧守信君。是日。織田信長將兵七萬  
然。諸書此。下皆書梅雪今從之。餘騎發安土。創業記。信長譜。作五日。今六日。至濃州呂久渡。

信忠上高遠之捷將士十八人首級。信長大喜。梟仁科信盛首於長柄河上。創業記信長譜家忠日記松榮紀事七日。信忠進入甲州。索一條信龍清野美作朝比奈攝津武田上總等殺之。家忠日記信長譜

八日。神祖軍興津。九日。移營滿坐。穴山梅雪來會為前驅。入自文珠堂市川口。德川記曰神祖出自駿州至川內舉軍入自市川只神祖悅下令彌右衛門徭役附以備考謀報曰。勝賴不戰而走。年譜創業紀事勝賴在鶴瀨。畏無警備。匿駒飼山家。其夜小山田

信茂之族八左衛門。奪信茂之質而去。勝賴將保天目山。土人皆叛不得往。匿近邑田野。僕圍皆亡。土屋昌恒秋山紀伊執鞆。阿部加賀温井常陸持槍。先是勝賴近習小宮山内膳

遇讒被黜。來謂昌恒曰。吾近蒙譴在外。欲盡臣節。則忤主公之意。委順則虧臣節。願被寬宥。以死報國。因問長阪釣間何在。昌恒對曰。昨自鶴瀨逸去。跡部大炊如何。曰亦逸矣。讒者

小山田將監如何。甲陽軍鑑將監作彦三郎蓋初稱也今從松榮紀事曰將監與秋山攝津亡去。已經旬日。内膳流涕曰。荷恩之士。相踵逃去。主公之命窮矣。昌恒紀伊相對悲泣。勝賴忸怩謝之。甲陽軍鑑松榮紀事

臣按。小宮山内膳之父丹後。以武田世臣事信玄。守上野松枝城。頗以驍勇著名。内膳剛直。不忝爾所生。數忤佞幸權貴。故勝賴惡之。及與小山田將監忿爭。勝賴信讒逐之。夫遭讒廢黜。而無怨懟之色。此固人臣之分。未足揄揚。而

烈祖傳 卷之六 十六

能從容處之者既鮮矣。至於放逐在外而赴君之難。慷慨激烈。見危授命者。則千百人中。難得一二。豈非曠世義士也哉。北條高時之滅也。大佛陸奧守貞直之士本間山城左衛門蒙譴屏居于家。赴難力戰。自屠以報主。舉世稱之。內膳之處義殆無所媿。語曰。疾風知勁草。世亂識忠臣。若內膳者。其可以為人臣之勸矣。

十日。興國寺成將曾根內匠降于神祖。使牧野康成守興國寺城。松榮紀事十一日。勝賴使甘利甚五郎大熊新右衛門先往天目山。二人亦叛。放銃矢拒勝賴。信忠使瀧川一益河尻秀隆圍田野。勝賴之兵辻彌兵衛與村民作亂。甚五郎新右衛

門與彌兵衛為鄉導。迎一益。執甚猖獗。勝賴諭其妻往小田

原。勝賴初娶信長公女姪。生信勝。而蚤世。再娶北條氏政之妹。固請同死。不聽。竟自殺。松榮

紀事曰。勝賴使小原丹後及弟下總金丸助六郎先殺妻。今從甲亂記。又諭信勝使齋累代重

器旗無盾。循山而行。出武州以奔奧州。信勝決志必死。不聽。

既而一益之兵四面競進。勝賴窮蹙。不知所為。昌恒放矢連

斃數騎。矢竭力戰。勝賴揮刀救昌恒。身被數創。信勝揮槍奮

戰。亦被創。父子自殺。勝賴年三十七。信勝年十六。昌恒僧麟

岳阿部加賀温井常陸小原丹後其弟下總金丸助六郎。土屋

昌恒小宮山內膳秋山民部巖下總六郎多田久藏等四十

一人皆戰死。年譜創業記織田本信長記家忠一益上首級。

信忠喜賞之。是日神祖入新府。會于信忠。十三日信長至信州根羽。信忠遣使獻勝賴父子首。信長大喜曰。城介出師纔一月。平定甲信駿三州。獲勝賴父子首。厥功偉矣。使福富平左衛門賜荒波刀駿馬。及暑衣一百領於信忠以賞之。家忠日記

信長譜松榮紀事

臣按。昔東野子之善御也。步驟馳騁。無不如意。然馬力盡矣。武田信玄擁五州之兵。戰必克。攻必取。威稜懾乎鄰國。然民力殫矣。人畏其威。不懷其惠。離叛之心。隱然已伏於其中矣。勝賴有智伯瑤之才。而無魏侯斯之德。讒殺其兄義信。而奪嫡之計巧矣。以信玄之聰察。溺於愛而不能辨。

及嗣立。彊暴陵人。驍武自矜。親近諂諛之小人。疎斥老臣宿將。賄賂公行。而不畏清議。將士憤邑。而不恤軍政。佳兵不已。剛愎自用。賈勇過於冉閔。拒諫甚於慕容超。宗族內訌。士民外叛。二十八葉之世家。一朝而蕩滅。斯盡迹其所由。信玄不仁。其失人心久矣。信勝弱齡尚義。不苟免以偷生。使之長而蒞政。必有可觀。惜哉。

十四日大給城主松平左近真乘卒。子源二郎嗣。家忠日記源二郎時

八歲後名家乘為和泉守十五日信長至飯田。梟勝賴父子首數日。松榮紀事

先是下曾根某殺左馬助信豐於信州佐久郡葛山右近氏友。左衛門佐信名子甘利右衛門亦被殺。武田系圖信長獲信豐首。使長

谷川宗仁齋勝賴父子信豐三首級。往京師梟之。命諸將分兵逮捕黨與。逍遙軒信綱。小山田信茂。朝比奈駿河。今福筑前。長阪釣間。跡部勝資等。數十人皆被殺。信長譜。松榮紀事。小笠原氏儀間勝賴敗死。出奔小田原。信長使北條氏政殺之。氏政送其首於濱松。創業記。小笠原系圖。此皆非是日之事。據本書終言之。初信長以重利啗甲府將士曰。送款則授駿州。或給信州之半。將士皆信之。以叛。及勝賴滅。得免者什二三。信長譜。松榮紀事。

臣按。信長公之餌甲府將士。即武田信玄欺駿河將校之故智。而當時更事者皆所目擊。而或參預其謀者也。距信玄之死。纔十年。豈皆忘之哉。唯其貪祿徼利之念甚重。而

憂君報國之心甚輕。彼材武勇猛之士。皆謂可以建牙豎纛。安富尊榮。延及子孫。而恬然不知坐於陷穽之中。可哀也已。宋李觀所謂武夫健將。賣降恐後。何邪。詩書之道廢。人惟見利而不聞義焉者。豈帝秦之失政哉。亦可以為萬世之鑒矣。

十九日。信長至上諏訪。從兵十萬。軍容甚盛。二十日。木曾義昌來謁。信長授筑摩安曇二郡。領木曾如故。是日。神祖至諏訪。謁信長。信長稱神祖之功曰。長篠之戰。甲信驍勇殆殲。故成功甚易。此卿之力也。家忠日記。信長譜。松榮紀事。駿州諸城相繼降于神祖。獨依田信蕃在田中城不下。知終不可守。致城于大久

保忠世而去。神祖使山本成行諭之降。

○家忠日記成行作成氏永祿十一年作

成行與松榮紀事合今據此訂之信蕃以勝賴存亡未審不從。出奔信州。及

信長殺甲州將士。將捕而殺之。神祖密使人召之。信蕃應命。

來謁市川之營。神祖匿之。二股山家獲免。

○松榮紀事正文曰二月十八日神

祖入駿州。諭信蕃曰。欲戰即戰。欲降即降。不可首鼠兩端。自取禍敗。信蕃對曰。吾與大久保忠世有舊。須使忠世來。神祖

遣忠世。諭之。信蕃致城出奔甲州。二十一日。穴山梅雪以神祖之先容。上謁信長。信長授其舊邑。

松榮紀事○本書曰。小笠原信嶺亦以神祖之

先容。謁信長。授舊邑。按信嶺二十三日。信長割與州郡於有

歸降在。下文六月。故不取。功將士。以瀧川一益為關東管領。賜上野及信州佐久小縣

二郡。曰關東八州。以至奧州。征伐獄訟。取汝裁決。如有智慮

所不及。須與家康議。任其處分。賜甲州及信州諏訪郡于河

尻秀隆。更科高井水内垣科四郡于森長可。伊奈郡于毛利

河内守。二十九日。信長授駿州於神祖如約。家忠日記信長

二十三日。今從創業記先是菅沼滿直父子及其族新三郎叛降信玄。

從勝賴戰于長篠。至是降信長。在河尻秀隆之營。神祖惡其

叛亂。告信長殺之。創業記四月三日。信長留信忠於諏訪。至甲

府。歷覽廢墟。佐佐木二郎高定。據佐佐木家譜初名賢永。義賢入道承禎第二子。天正元

年。勸將軍義昭公。擊信長公。故信長公惡之。佐佐木氏滅。往甲州。依信玄。至是亡去。慶長中。叙從四位下。任中務大輔。後

判髮號識匿甲州惠林寺。信忠使河尻秀隆索之。僧徒不可。

密使高定亡去。信忠怒遣將佐。縱火惠林寺。僧徒焚死者八

十四人。家忠日記、信長譜、甲陽軍鑑、甲亂記十二日。信長望見富士山。至大宮。

神祖出謁之。置酒歡娛。至夜而罷。信長悅。贈吉光短刀一文。

字刀及駿馬三於神祖。凡神祖之管内。驛亭橋道。修營悉備。

年譜、創業記、信長譜、家忠日記、松榮紀事與平信昌出迎信長。信長稱長篠之功。

褒獎之。創業記、松榮紀事十六日。信長至天龍川。神祖使小栗仁右

衛門淺井道忠造浮梁。信長賜黃金於二人。勞之。是日信長

至濱松城。神祖饗之。信長名酒井忠次曰。今天下粗定。此家

康連年挫勝。賴之功也。汝輩勤勞戎馬。吾甚嘉尚。又召其臣

菅屋九右衛門曰。吾為經略東國。儲粟二萬石於東條。今勝

賴既滅。北條氏政望風歸附。家康平定東方。又何用兵運糧

之有。宜以此粟頒給有功將士。神祖起謝。創業記、織田本信長記、家忠日記、松

榮紀事十七日。信長至吉田。酒井忠次饗之。信長賜黃金二百

兩。及真守佩刀於忠次。二十一日。信長凱旋安土。五月九日。

神祖如安土。以賀平定甲州。且謝得駿州。穴山梅雪從焉。信

長使高野藤藏長阪助一山口太郎兵衛設警備。修橋梁。以

接待之。使明智光秀設治具。光秀構假館。造厩櫪。以金銀飾

饗膳。供張甚盛。會羽柴秀吉在備中。與毛利右馬頭輝元相

持。輝元右馬頭元就嫡孫。備中守隆元子。歷右衛門督。右馬頭。至權中納言。後剃髮號宗瑞。乞援兵於信

長。信長使池田信輝其子勝九郎之助。後任守。伊守。長岡與一郎

忠興。兵部大輔。藤孝長子。復細川氏。歷越中守。參議。從三位。為肥後熊本城主。剃髮號三齋。及光秀等

救之。別令人代光秀饗神祖。光秀大怒。沈饗膳什器於湖水。

年譜創業記家忠日記信長譜松榮紀事○信長譜年譜附尾曰先是稻葉一鐵之士那波和泉齊藤內藏助有故去而

事光秀光秀善遇之一鐵怒與光秀相訟信長命光秀還和泉於一鐵使內藏助自殺猪子兵助為光秀申理故內藏助

免死事光秀如故信長怒其違法令召光秀譴責之猝其頭歐之二三又嘗宴將佐信長被酒辱光秀於衆中既而命饗

神祖於他人故遂反十五日神祖至安土謁信長館於大寶坊進

黃金三千兩馬甲三百於信長黃金馬甲據創業記本書曰

游于京都十九日信長設雜劇於總見寺以宴神祖二十日

饗神祖於高雲寺亭信長自供饗膳至穴山梅雪及酒井忠

次石川數正等手授穀菽宴畢信長執神祖手以登殿守周

覽四方歡笑夜分而罷勸神祖游于京師及攝州大阪泉州

界津使長谷川秀一導之。○老人雜話曰信長使長谷川藤

光秀不反則神祖幾危矣按信長公實有害二十一日年譜

心則不必相繼入京師蓋後人臆度之說也作二

十二日今從創業記家忠日神祖出安土入京師二十八日

記信長譜德川記松榮紀事業記創是日信長使將佐留守安

至大阪二十九日至界津業記創是日信長使將佐留守安

土率近臣百五六十人入京師將會于神祖權居本能寺信

忠居妙覺寺先是明智光秀為辦軍裝還丹波龜山城怏怏

不得志與親將明智左馬助初稱三宅彌平齋藤內藏助利

三等謀反六月朔率兵發龜山揚言明朝入京須使主君觀

我軍容二日黎明急襲本能寺信長驚問反者誰森蘭麻呂

長定三左衛門可成第四子長可弟主圖出見之曰惟任日



向守。信長公嘗改光秀氏曰惟任故稱之即使長定等防之。光秀進攻之。長定

其弟力麻呂長隆坊麻呂長氏。二人名據諸士傳略及宿直者皆奮戰

而死。信長射殺數人。弦絕。揮槍出鬪。傷左肱。知事不可為。放

火自殺。時年四十九。信忠聞變。馳至本能寺。中路見煙起。知

事敗。入二條城。使村井春長軒奉誠仁親王。陽光院及皇孫。後陽

成趣駕入禁省。勒兵以待。日午光秀進圍城。信忠力戰自殺。

年二十八。弟源三郎勝長。即御坊麻呂質于甲州者及從兵百五十餘人

皆戰死。信長譜曰村井春長軒福富平左衛門管屋九右衛門團平八等四十餘輩共死蓋舉大數也今從家忠

日記松榮紀事

臣按信長公當少年時放蕩不羈。日以講武為業。其志固

不凡矣。然其舉動不似人君。宗黨離叛。故平手政秀以死

諫。一旦幡然改過。運籌決策。常出人意表。走齋藤龍興。敵

今川義元。威名震乎四境。雄峙尾濃之間。方將軍義昭公

之求入。克修閭職。誅鋤群兇。終能使義昭公得歸京師。以

繼霸業。厥功偉矣。然不藉神祖之力。則不能建進取之功。

故與神祖講和。使捍甲府之勍敵。絕無東顧之憂。而得專

用力於江越之敵。此其本謀也。既而義昭公陷於敵國。離

間之計。而反欲圖公。公再舉兵。放之河內。遂得建牙京師。

號令天下。賞市人宗運之至孝。嘉鹽川國滿之政績。亦有

志于振頹綱而興風化矣。知人善使。拔秀吉公於行伍之

中委以關西之任。山陽之地。殆將歸於版圖。其規模亦大矣。然資性褊狹。疾惡過甚。人或有過。終身不能忘之。必至屠戮而慊矣。故明智光秀懼其必誅。決意謀反。變起倉猝。父子殲於行營。光秀弒逆之罪。固天地之所不容。而公亦有以自取也。不念舊惡。怨是用希。難矣哉。

前田玄以受信忠遺命。奉其子三法師。至尾州清洲。時三歲。

玄以號德善院。以有才幹。為信長公父子見親任。及秀吉公執政。居五奉行之一。相傳延歷寺之衆徒也。據慶長十九年大佛供養時。僧正天海之語。真言宗僧而非台徒也。三法師長而名秀信。至正三位。權中納言。世稱岐阜中納言。神祖在界津。聞變大驚。謂將佐曰。吾欲入京為信長討賊。從士舉鞭將進。本多忠勝諫曰。創業記曰。并伊直政上諫。一說本多忠勝。松榮紀事作忠勝與創業

記正文及本多家譜合今從之光秀擁大軍。我兵單弱。勢不可敵。一戰見敗。

則不唯取笑當時。亦必貽譏後世矣。不如還國。糾合義旅。以

討賊臣。此萬全之策也。酒井忠次石川數正亦贊成其謀。神

祖然之。乃問歸路所由。長谷川秀一曰。宜由伊賀伊勢。即以

秀一為前驅。○家忠日記松榮紀事竝曰。神祖至宇治川時。吾為鄉導。沿河見得一小船。使神祖乘之。忠次策馬絕流。從士亦皆騎而得渡。勢多城主山岡美作守景隆。其弟對馬守

景佐。馳至導之。山路險惡。寇賊充塞。景隆兄弟擊卻之。按神祖實經伊賀路。若渡宇治川。則不能經伊賀路。况此川雖騎而渡。不得如此容易。且渡之則過光秀之陣前。及其管內。其誤明矣。蓋自界津經大和。至伊賀路之間。或有河水。忠次先導。偶失其名。且以勢多城主馳來。故後人為宇治川歟。諸士傳略曰。神祖覽界津下飯盛山。將還京師。遣本多忠勝於大坂。路逢茶屋四郎策馬馳至。謂忠勝曰。不見洛中煙焰乎。光秀篡弒京師。焦土。忠勝半途而還。至飯盛山下。告神祖。神祖

大驚曰光秀定邀我歸路寡眾不足與戰不如自殺將挺刃  
 忠勝諫曰死於此死於敵其死一也如還國舉兵討賊神  
 祖曰善然不知歸路所由忠勝曰臣所能知乃提大槍至一  
 村劫父老曰我將抵參州汝須導之父老懼導之至佗村救  
 前父老還之又劫父老使導之歷數十村皆如此遂至木津  
 川偶有柴舟二艘來忠勝呼舟子使濟之舟子不肯忠勝怒  
 以烏銃劫之遂使神祖駕之士卒皆得渡進至多羅尾谷多  
 羅尾某使人請饗神祖神祖疑之忠勝曰我兵多寡主客不  
 敵彼若黨于光秀擊我何難其情實可知矣神祖然之多羅  
 尾某大喜厚饗神祖遣士卒護送管內遂至伊賀忠勝謂服  
 部半藏曰伊賀子之采邑子須代為先導神祖善之進至勢  
 州四日市賀舟得還參州據之則宇治川蓋木津川之訛然  
 神祖實歷竹內領櫻井初瀨高見嶺則不涉木津川而至伊  
 賀其所先導一以為忠次一以為忠勝二說各異勢多亦非  
 伊賀路而近于光秀之陣且無山路險惡蓋景隆兄弟來于  
 大和迎之從而歷伊賀險路者也諸說紛紜無所適從併存  
 以俟神祖欲出大和路遣使越智玄蕃求鄉導玄蕃遣其臣  
 吉川某於大和河內之界竹內嶺以導之土寇石原源太率

兵邀之吉川某諭以玄蕃之命土寇引去吉川某經櫻井初  
 瀨至高見嶺伊賀甲賀人出導神祖年譜附尾○創業記亦載神祖出大和路初  
 信長侵掠伊賀土人無少長悉殺之逃遁佗州者令所在出  
 之敢匿者有罪神祖矜之不出一人報曰無之故其在參河  
 遠江者皆得免親族聞之感戴其恩至是服部別當貞信和  
 田八郎定教等併力禦寇神祖遂得無恙至江州信樂松榮紀事  
 但云貞信從至信樂而不書其故今據岡崎物語定教禦多  
 寇據和田系圖定教伊賀守惟助第三子伊賀守惟政弟多  
 羅尾氏世領信樂秀一與多羅尾四郎兵衛光俊有舊故告  
 神祖之艱楚光俊迎宿其家高力清長護輜重賊侵掠之清  
 長屢還鬪被創遂攘斥之高力系圖松榮紀事神祖自伊賀至伊勢以

拓植三之允為先導。初神祖欲與穴山梅雪同還。梅雪聞難

疑懼與神祖異路。狼狽至山城草內渡。為村民所殺。年譜創

忠日記德川記皆云梅雪至宇治田原被殺。年譜附尾曰穴

山梅雪後于神祖十餘町為石原源太所殺。越智玄蕃聞之

其夜擊殺源太。此又一說也。先臣佐佐宗淳曰。諸書皆誤。梅

雪死於草內渡。土人猶能說其事。其墓見在草內渡。近世黑

川道祐著雍州府志。三日神祖至勢州白子。角屋七郎二郎

亦同此說。今從之。進舟神祖駕之。○按六月二日光秀弒信長。公神祖在界津

聞之。界津去京師十四里。雖登時發界。當及

暮夜。其經大和伊賀近江而至伊勢。行程可四十里。有險路

有上寇。豈能得三日至白子哉。况有多羅尾光俊迎宿其家。

諸書或云淹留三日。然則諸書所載

日辰皆誤。然今無所考訂。姑從本書。四日至參州大濱。入永

井直勝家。參州將士歡迎賀之。

創業記家忠仁馳使備中。告變於羽柴秀吉。秀吉與毛利輝元講和還軍

日記德川記先是長谷川宗

以討明智光秀。太閤記五日神祖入岡崎城。伊勢尾張將士

遣使送款。六日賜書岡部正綱。經營甲州下山城。家忠七日

遣本多信俊名倉喜八郎於甲府。告變於河尻秀隆。且使保

護之。家忠日記八日神祖欲討明智光秀。下令戒嚴。家忠織

田七兵衛信澄。武藏守信行光秀之女壻也。以其父信行為

信長所殺。恒有報仇之志。時在大阪城。率兵將入京師。勦力

光秀。織田三七信孝。信長公與丹羽長秀攻大阪。信澄敗死。

信長公信孝將討光秀。與長秀及池田勝入議方略。信輝以信

譜十一日羽柴秀吉至富田。謁信孝。涕泣弔之。家忠十三

日秀吉與光秀戰于山崎。大破之。光秀敗死。秀吉磔其屍於

栗田口抵清洲。謁三法師弔之。織田信雄。

信長公第二子。小字茶筍。麻呂。出繼

北畠源具教卿。為伊勢國司。後封尾張。至正二位內大臣。判髮號常真。

信孝。信秀。勝入來會。瀧

川一益至自關東。柴田勝家至自越前。亦會于此。

家忠日記。秀吉譜。松

榮紀 十四日。神祖將兵發岡崎。軍於鳴海。甲信成將聞變。不

能守城。森長可棄川中島。道家彦八棄小諸。毛利河內守棄

伊奈。皆奔京師。甲州釋騷。

家忠日記。德川記。

是日。河尻秀隆殺本多

信俊。秀隆勇而不仁。欲以威脅制之。甲州人不服。聞信長被

弒。誅秀隆曰。家康遣本多百助殺秀隆。秀隆信之。及信俊至。

設宴饗之。伺其乘醉而寢。刺殺之。十八日。村民遽起攻秀隆。

故山縣昌景之兵三井彌一郎擊秀隆殺之。甲州大亂。年譜。創業

記家忠日記。德川記。松榮紀事。

十九日。羽柴秀吉遣使告討平賊臣明智光

秀於鳴海之營。二十一日。神祖自尾州班師岡崎。

年譜。家忠日記。松榮

紀事。

紀事 羽柴秀吉與丹羽長秀池田勝入等議。奉三法師為信長

之嗣。徙居安土城。封以近江三十萬石地。使長谷川丹波守

前田玄以輔佐之。以其幼穉。使叔父信雄管攝。分割州郡。以

尾張封信雄。美濃信孝。丹波秀吉。近江長濱柴田勝家。攝津

大阪尼崎兵庫勝入之助。若狹及近江高島志賀二郡瀧川

一益。家忠日記。秀吉譜。松榮紀事。

神祖使大須賀康高與成瀨正一

○松榮紀

事作一齋。按一齋正一弟也。據成瀨系圖。招徠流亡者正一也。今訂之。

日下部定好岡部正綱。

及故穴山梅雪部曲。招徠甲州之士。康高在市川綏撫之。又

修足高山麓天神川故壘使稻垣平右衛門長茂成之長茂初稱

藤介平右衛門重宗子此時為石川康通之臣以本多正信為使諭依田信蕃招諭

士人信蕃建旗柘阪嶺招之橫田重量先衆來歸相繼歸附

者千餘人信蕃率之入小諸城家忠日記甲斐信濃上野三

州無守故鄰國諸將皆覬覦之上杉景勝將三千餘騎取川

中島北條左京大夫氏直將三萬餘兵欲取甲州氏直氏政

紀事三萬餘兵作五萬餘騎今從德川歷代甲州人大村三右衛門其子伊賀通

謀氏直導秩父新太郎之兵入甲州○松榮紀事曰新太郎

讚氏康子無秩父新太郎而氏政第五子有刻期定約新太

郎自刈阪口武州甲州之界北條左衛門大夫氏勝上總介綱成孫

○德川記德川歷代作右衛門氏堯今從松榮紀事率八千餘騎自郡內口北條安房

守氏邦氏康第三子氏政弟武州鉢形城主率七千餘騎○德川歷代作三千

自惠林寺口欲入甲州三右衛門陣碓氷川○碓氷或作碓

通待新太郎至樋口某納款神祖密告其事神祖使梅雪部

曲有泉大學穗阪常陸速赴碓氷川擊破之賊敗走新太郎

聞之不能進引兵而退二十二日神祖賜書大學常陸褒之

名樋口某列麾下三右衛門之亂雖不日而平寇賊蝟集餘

黨煽起神祖以大久保忠世為將與石川康通本多廣孝其

子康重岡部正綱經略甲州忠世至佐久郡與康通正綱相

議使諏訪小太郎賴忠歸款賴忠新二大草左近知久大和

賴元下條某等皆降。小笠原信嶺就管沼定政乞降。神祖許之。二十四日。松平與二郎忠吉卒。年二十四。其子信吉出繼松平信一。故神祖以忠吉姪內膳正家廣為嗣。家忠日記。松平系圖。七月三日。神祖為平定甲州。將兵發濱松。四日至田中。五日。移營江尻。七日。陣于大宮。九日至甲府。年譜。家忠日記。松平系圖。是武川之兵與成瀨正一通款。正一閱其流亡往訪之。鄉閭無人。正一題其門曰。可來市川。覓成瀨吉右衛門。其夜武川隊長小倉內藏助忠繼。○按今川氏真隊將有小倉內藏助資久。見永祿十年。蓋其子乎。未詳。折井一左衛門次昌來到。正一使二人謁神祖。忠繼次昌獻質歸降。成瀨系圖。十四日。神祖賜書酒并忠次。給信州十二郡。○按

延喜式倭名類聚鈔拾芥抄。信濃十郡。家忠日記。松榮紀事。並云十二郡。家忠日記。載神祖所賜書曰。信州十二郡。蓋後世增置二郡也。今無所考。酒并系。圖曰。神祖賜書如此。然有故不果。忠次率東參河之兵至。諏訪使諏訪賴忠來屬。忠次短於綏撫。人心不服。賴忠憤恚曰。吾屬家康。何受忠次之指麾乎。據城堅守。以拒忠次。神祖遣大久保忠世及折井次昌權田織部泰長於諏訪。諭賴忠曰。非如忠次之言。當屬神祖麾下。厲攻戰之功。賴忠遣其臣茅野丹波房清澤一左衛門房重於甲府之營謝之。神祖賜衣物於二人。懇諭之。賴忠與其子賴水。家忠日記。作賴永。今從寬永系圖。松榮紀事。抵甲府。謁神祖。神祖賜名刀于賴忠。曰。信州將士猶有未歸順者。卿宜速歸。諏訪以待後命。賴忠父子奉命歸。諏訪。神祖

築豆州枉戶壘使牧野康成徒自興國寺城守之。久野宗能助守。十五日。賜書小倉忠繼折井次昌。招諭武川之士。忠繼次昌運籌招諭。柳澤兵部。伊藤三右衛門。曲淵勝左衛門。吉景。曾根孫作。曾雌氏部。折井九郎三郎等六十餘人皆來降。神祖賞忠繼次昌之功。賜歸順之士食邑如故。北條氏直雖招武川之士不從。間有據小沼堡屬氏直者。歸順之兵擊破之。二十二日。酒井忠次率東參河之兵及小笠原信嶺等攻諏訪郡高島城。家忠日記 松榮紀事二十四日夜。城兵襲松平又七郎家信之營。家信紀伊守家忠子時年十二家信雖年幼。家臣多長於武事者。日夜嚴備。隊伍不亂。故能拒之。敵兵不利而退。二十六日。松

平主殿助家忠設伏擊破城兵。神祖褒其功。是日。賜依田信

蕃信州諏訪佐久二郡獎厲之。年譜創業記家忠日記松榮紀事○按上文給酒井忠次

信州十二郡然有故不果故賜二郡于信蕃八月。北條氏直將兵四萬餘騎。踰碓

氷嶺。入佐久郡。聞上杉景勝與神祖講和。使真田昌幸還吾

妻城。以備越後之兵。武田勝賴滅後上野諸將多屬北條氏政昌幸亦然酒井忠次聞

氏直出兵。解高島之圍。至白須。神祖在甲州。授大草左近知

久賴元。及其子式部少輔賴氏。下條某舊邑。赴信州伊奈。使

柴田康忠守佐久郡。三日。酒井忠次。大須賀康高。大久保忠

世。本多廣孝。及其子康重。石川康通。岡部正綱。率三千餘騎。

發白須。屯音骨。或作乙乞國音相同六日。氏直進至梶原。與我兵相



距纔一里。山嶽高峙。互不相知。忠世之兵石上菟角。在蘆田  
 堡聞之。冒險來告。忠世遣土人探其實。果然。諸將慮兵寡難  
 敵。議欲班師。初忠世諭諏訪賴忠來屬。忠次激之使叛。故忠  
 世銜之。至是忠次忠世爭殿。忿言移時。氏直之兵來進。諸將  
 和解之。先使忠次燒營退軍。康高相從。次康通。次忠世。次廣  
 孝。次故穴山梅雪部曲。次正綱為殿。松榮紀事曰。第一忠次。四忠世。第五廣孝。第六正綱。今從家忠日記。各正其列。隊伍整肅。小田原之兵。循  
 山尾擊。六將或還鬪。或引去。行程七里。凡十餘戰。正綱奮勇。  
 數擊敵却之。神祖在故府聞之。馳至新府。使石川數正救之。  
 氏直見援軍衆多。不敢進。屯若御子。我軍三千。不損一人。皆

還新府。俗謂之練引。年譜創業記家忠日記。松榮紀事。○松尾小笠原系圖曰。信嶺從酒井忠次。退

自高島到新府。與大道寺駿河守盛昌挑戰數日。蓋明年正月事也。故不書。是日。曲淵吉景出規

敵軍。與山上鄉右衛門交語相鬪。神祖賜書褒之。家忠日記。松榮紀事。

七日。氏直進逼新府。我軍隔水陣中山。相距十餘町。平巖親

吉伏兵山下。殺敵七人。年譜創業記家忠日記。松榮紀事。筒井內藏忠次戰

死。天野重次近藤秀用有戰功。松榮紀事。氏直將攻新府。神祖陣

淺生原。分兵為三隊以待之。使忠次忠世康高康通廣孝正

綱及梅雪部曲。伏兵各所。氏直遣候騎覘之。歸言戰必不利。

氏直決意欲戰。將佐畏懦不能進。氏直不得已。相持數日。十

日。神祖移陣于新府。使鳥居元忠松平清宗水野勝成三宅

康貞成故府。修繕新府城。以備若御子。松平源七郎康直遣弟孫三郎。○按松平系圖。康直弟無稱孫三郎者。而有源介直隆石見守直宗小大夫直之。三弟其一有初稱孫三郎者。乎未詳。大久保忠世遣弟忠教以戍之。北條氏政在小田原議軍事。欲益兵甲州。與氏直之軍來擊神祖。以弟左衛門佐氏忠為將。其弟右衛門佐氏光及其族氏勝為副。率一萬餘騎入郡內。十二日。氏忠出三阪城。至黑駒。氏直謀曰。濱松之兵。成善光寺及故府者。料必不多。使氏忠襲二壘。放火急攻。二壘之兵必走。新府之兵聞之。亦當自潰。乘勢急擊。則家康不得守新府。當由下山避入駿州。追擊必得大勝。乃與氏忠定約。氏忠陣上口山。待其報。有人密告其計於故府。元忠

勝成率兵急發故府。康貞清宗亦出兵攻上口山。氏忠不意。大兵猝至。與本謀違。欲引兵退。我軍急攻之。氏忠敗奔黑駒。氏勝還軍來戰。勝成之兵大田仁藏先登獲首級。高力正長斬敵兵平原彌二郎。清宗揮槍力戰。元忠勝成康貞之兵悉力拒之。氏勝敗走。年譜創業記。家忠日記。神祖在新府。望見煙塵起曰。我兵勝矣。果然。創業記。四將追擊。斬首三百餘級。上新府。創業記。三河物語。德川日記曰。五百餘級。今從年譜家忠日記。松榮紀事。神祖梟之於新府郊外。氏直之兵不知戰敗。來視所梟首。則或其子弟伯叔。或其親族。皆悲泣無鬪志。氏直愈畏縮。不敢出兵。年譜創業記。家忠日記。○松榮紀事曰。氏忠踰三阪至東郡。縱兵焚民舍。掠資財。元忠清宗勝成康貞率二千餘騎發故府。急攻氏忠內藤信成先登。部曲獲首三十餘

級敵兵離散四方剽掠故不得拒戰而潰走我軍追擊敵兵或陷崖谷而死或逃遁山林氏忠單騎入黑駒元忠勝成康貞清宗斬首三百餘級獻之三河二十日神祖發新府至故物語略與之同今從家忠日記

府賞諸將之功賜鳥居元忠郡內年譜創業記氏直築砦豆

生田置兵戍之二十九日我兵出于豆生田暴秋稼敵兵急

擊之殆危久世三四郎廣宣平四郎長宣子挺身搏戰神祖見其危

親將兵救之大須賀康高松榮紀事作大久保五郎左衛門蓋大須賀之誤今從德川歷代

神原康政酒井忠次大久保忠世石川康通本多廣孝岡部

正綱為前鋒敵見大軍至將退久世廣宣進鬪與野中六右

衛門接槍被數創遂入柵內獲其首諸將力戰破砦大久保

忠佐抱廣宣謁見營中神祖褒其戰功親賜藥傳創稱父祖

之武功慰勞之松榮紀事不日年譜創業紀云二十九日我兵破豆生田砦今事從紀事日從二書○

家忠日記曰二十七日新府諸將相議各遣謀者覘敵所在大須賀康高之兵有長于斥候者諸謀從之而行審知敵在

豆生田砦歸告之諸將發兵襲砦康高政為先鋒奮擊破砦多獲首級與松榮紀事異附以備攷此條氏直

雖招武川之士以屬神祖不從氏直再以書誘致之中澤縫

殿右衛門中澤新兵衛殺其使奪書獻之神祖褒之家忠日記依

田信蕃使其族次右衛門說真田昌幸降于神祖昌幸從之

請賜印章神祖許之松榮紀事是月賜駿州田中城于高力清長

高力系圖九月朔此條氏直候騎來窺我營酒井忠次擊却之年譜

創業記家忠日記高遠城主保科正直前是不見正直為高遠城主蓋乘甲信之亂而取之也

就酒井忠次乞降伊奈郡主藤澤二郎賴親家忠日記作猶親今從松榮紀

事 據箕輪鄉而叛。正直攻之。相戰三日。遂拔其城。創業記家忠日記松

榮紀 神祖使松平康親。小笠原安藝守信元。及其族丹波守

安次。攝津守安元長子 山田市藏時忠。成豆駿二州之界。三枚橋城。

二十五日。小田原之兵。出三島攻之。安次時忠戰死。餘兵堅

守。神祖賞之。加賜食邑一千石於信元及安次子新九郎廣

勝。韭山敵兵亦屢窺。三枚橋城。康親善守之。敵不得近。轉而

攻沼津城。城主本多重次擊走之。獲首三十餘級。年譜創業記有日無

其事今據家忠日記松榮紀事 十月。神祖使依田信蕃真田昌幸。屯碓氷嶺。

以絕小田原糧道。年譜創業記家忠日記松榮紀事 十六日。松平紀伊守家

忠卒。子又七郎家信嗣。諸士傳略松平系圖 二十四日。賞保科正直之

功。賜伊奈郡之半。家忠日記松榮紀事 使高木廣正召高木善二郎清

秀仕麾下。清秀六郎左衛門宜光子後稱主水正 清秀有武幹。初屬織田信秀。

中屬水野信元。信元遭害。屬佐久間信盛。至是謁神祖。賜食

邑一千石。家忠日記諸士傳略 武川之士山高宮内柳澤兵部等。與敵

戰于花水阪。得首級。獻之新府。神祖褒之。各賜舊邑。家忠日記 此

條氏直久在若御子。與神祖相持。每戰不利。真田昌幸塞碓

氷嶺。糧道不通。軍日匱乏。二十九日。使叔父美濃守氏規請

和親。曰。甲信二國。德川氏全領之。上野自領之。以上野沼田

易甲州都留郡及信州佐久郡。神祖許之。氏直恐我兵躡後。

乞交質。以其臣大道寺孫九郎直政山角某為質。神祖以酒

井小五郎家次為質。家次忠次長子，叙從五位下。歷宮內大輔，任左衛門尉。晦氏直請

婚。神祖約以第二女嫁之，故不及交質。互還之。氏直引兵還

小田原。年譜創業記家忠日記，德川記松榮紀事。諸將率兵攻筑摩川上巖村田

城。城兵堅守不下。諸將將引去。城兵出躡之。依田信蕃為殿。

奮擊大破之。斬首三百餘級。殘兵敗走。神祖賜書信蕃其弟

善九郎信春。家忠日記松榮紀事並作新九郎，今據一本。德川記抄訂之，名據明年二月二書所書。源

八郎及從兵依田豐後依田右近依田庄膳奧平金彌等褒

之。創業記家忠日記，松榮紀事。十一月。神祖欲平定信州。命諸將修上口

山砦。五日。松平家忠向善光寺。七日。築勝山砦。使柴田康忠

管沼大膳會于依田信蕃。管沼大膳未知為誰，織部正定。盈曾祖父定鎮稱大膳亮，其餘管

沼系圖無。攻伴野刑部少輔所據前山城。河窪與左衛門信

稱大膳者。按武田家譜，信俊初稱新十郎，武田兵庫頭信實子。甲

俊州平。神祖使篠瀨某覓信實子。信俊時十九歲來謁，以領

甲州河窪。三枝平右衛門等奮勇爭進。城遂陷。家忠日記，

更河窪氏。小笠原之族，而世長于弓馬之業，至是廢絕。信蕃康忠攻高棚小田井二城拔之。

信濃人平原善正。松榮紀事，正作心。平尾平藏大井民部少輔小山

田六左衛門森山豐後志賀與三左衛門柏木六郎望月印

月齋等皆降。十二月十一日。神祖在甲府。以甲信二州粗定。

賜休暇于諸將。各歸采邑。松榮紀事係十一月而柴田勝家

遣使修好。以賀平定甲斐。年譜家忠日記，松榮紀事。十二日。神祖召甲信

二州之士論戰功。隨其大小。全給舊邑。或減損之。平原宮內

當賜全邑。有人訴碓氷川之戰。宮內黨于大村三右衛門。田野邑民證之。故神祖兩名之親。鞠問之。皆撤佩刀。宮內不服。將出事未決。神祖留之。宮內素懷反謀。疑被殺。奪奧山新八郎童奴所持刀。立殺童奴。揮刀而入。事起倉猝。左右莫敢支吾。甲州歸降之士。迂彌兵衛。空手欲捕之。宮內斫其額。血流被面。兩目昏眊而退。宮內乘勢直進。欲近神祖。土屋權右衛門急闔雨戶。○戶外又設闕。排戶以蔽風雨。俗謂之雨戶。小幡又兵衛昌忠時十九歲。山城虎盛孫。豐後昌盛子。家忠日記。松榮紀事作十六歲。今從小幡系圖。拔短刀。與宮內鬪。傷左手。永見新右衛門取槍擬之。宮內急進欲擊之。新右衛門不遑正槍。以鍛突倒宮內。昌忠進擊殺之。神祖賞其功。責

彌兵衛曰。汝志雖壯。張空拳以犯白刃。甚無謂也。遂逐之。家忠

日記。松榮紀事。是月。神祖會甲信二州歸降之士於遠州秋葉寺。上

赤心無貳之誓書。成瀨正一日下部定好監之。總七百五十

七人。家忠日記。松榮紀事。人別列姓名。今從簡約。舉其大數。分山縣昌景。土屋昌恒。原

胤長。一條義龍之部曲。及關東僑人一百十七人。屬井伊直

政。并四隊之兵食邑四萬石。以為一隊。兵器皆用赤色。世謂

之赤備。直政雖年少。有將帥之器。故寵任之。家忠日記。松榮紀事。○據甲陽

軍鑑。武田信玄之將。小幡上總介信真。既富兵部二軍。皆用赤色。甲州人謂之赤備。直政部下多甲州人。故摸之。據太平

記。佐佐木崇永。仁木義住。飯守岡之戰。崇永之兵有赤一揆。則非始於甲州也。二十一日。神祖凱旋

濱松。年譜。創業紀事。家忠以成瀨正一日下部定好為奉行。平

巖親吉為郡代。掌甲州政令。使歸降之士櫻井某。市川伊清。齋工藤源隨。齋巖間大藏。左衛門。採訪風聞。以達濱松。家忠日記

松榮鳥居元忠。留守甲府。創業記甲信二州有殘黨未服者。使大久保忠世。柴田康忠。管沼大膳。留在甲府。小濱民部左衛門景隆。間宮造酒丞。為副。以討平之。家忠日記武川之士風間某。聚二百餘人作亂。御手洗五郎兵衛直重擊破之。斬風間某。獻其首。神祖賞之。賜食邑。松榮紀事是歲。松平福松。麻呂忠吉。自東條城移封駿州沼津城。食四萬石。源流綜貫

松井甲太郎書

烈祖成績卷之五終

列者列名

|            |           |
|------------|-----------|
| 吳服町十一番地    | 宮田六左衛門 四枚 |
| 麴町十三丁目十番地  | 瀧澤篔簹吉 三枚  |
| 本郷二丁目五番地   | 谷村直次郎 四枚  |
| 神田小柳町十三番地  | 木邨嘉平 六枚   |
| 浪花町十九番地    | 木邨德太郎 一枚  |
| 神田鍛冶町四番地   | 江川八左衛門 三枚 |
| 市谷田町二丁目二番地 | 江川錦二 一枚   |
| 淺草三好町四番地   | 江川鐵五郎 一枚  |
| 神田鍛冶町四番地   | 江川新吉 一枚   |

湯島新花町五番地

江川八左衛門弟子  
括

江川豊吉 一枚

神田旅籠町二丁目十三番地

竹口瀧三郎 四枚

木挽町三丁目五番地

五氏  
括

竹口茂兵衛 四枚

桶町二番地

同

竹口龜吉 一枚

濱町二丁目一番地

同

松島政吉 一枚

本所松井町三丁目十三番地

松島政吉弟子  
五氏  
括

渡邊榮造 一枚

濱町二丁目一番地

松島政吉在留弟子  
五氏  
括

松島和吉 一枚



